



Nanngariayuuq David Akeeagok
Minista Pivalliyuliqijitkunni Ingilrajuliqijitkunnili
Minista munariyaqaqtuq Nunavut Naminilingnut Ikayuqtinntu Kuapuarisinga
Minista munariyaqaqtuq Nunavut Pivallianirmun Kuapuarisinga
Minista munariyaqaqtuq Uyaraqhiuqtunut
Minista munariyaqaqtuq Niuvvaanikkut

Hikutirvia 7, 2022

Ministangit Atuqtakhangit

Haluu Minista Akeeagok:

Hivuliqtiplunga Nunavunmi, Titiraqtunga ilitugipkajumaplunga atuqtakharnik **Minista Pivalliyuliqiyikkut Ingilrayuliqiyitkullu** (EDT). Angirutiqagiikhimajugut munagidjutiqaqtutin tamaat qanuriliuqtunun hulilukaarutingnik havaktauhimajut havagvingni, ilaujut:

- Pivalliadjutikharnik Nunavutim maniliurnikkut ingilrajuliqidjutikharnik qanuriliurutikharnik qanuriliurutikharnik ikajuutiniaqtuq ihuaqtumik, nanmnikharnik auladjutikharnik hivunikharnik inuugijaptingni, nunalaaptingnun, nunagijaptingnilu; unalu
- Havakhimaarlutik allatqiingujut piumaluuaqtunik hanaqidjutikharnik hulilukaarutikharniklu naunaijajaangat ikayuutikharniklu iniqtirutikharnik kavamangit atuqtakharnik Katujjiluta.

HIVULLIUTIJUKHAQ QANURILIURUTIKHAT

Katujjiluta ilauhimajuq hanaqidjutikharnik hulilukaarutikharniklu tallimaniitunik piumaluuaqtajuni:

- Inirninguqtirniq ihumagittiaqtauluni Nunavunmi;
- Angiklihaqjuummirlugu iglukhaqarnikkut auladjutaa;
- Pipkainirnianik aanniaqtailinirnun mamiharnirnullu;
- Pilluaffaarumanirnik iliarnirnun; imaaluu
- Angiklihaqtirnikkut nunallaaptikni piangajautikharnik.

Havakhimaliktugut ilaujukharnik upautikharnik piumaluagijaptingnik, taima pilimaitaangat havagviit kitulqaak aviktuqhimanirmi kuapuarisingit hivuliqtimalitun kiudjutikharnik tamainik hanaqidjutikharnik piumaluqaqtaptingni havaanganik.

Angirutigivakhimajugut kiudjutiqaqtuhi hivuliqtijaangat piumaluuaqtunik hanaqidjutikharnik hulilukaarutikharniklu ilitagijauhimajut ataani. Una ilaujuq naunaijainiq nalaumadjutikharnik tutqikhaidjutikharniklu hanaqidjutikharnik avatingni Nunavut Kavamangit havaqatigijaptingnilu, ihuarutiqaqhimanjni.

Hiviliujuq piumaluuaqtajuuq, angirutiqagiikhimajutin havagianganik qilaminuaq hanaqidjutikharnik ukuninga:

- Havaqatigiiklugit havagviit talvani Nunalingni Kavamatkunillu Pivikhaqautikkut (CGS), Havaktuliqijitkut Kiinaujaliqijitkulut pivalliajaangat qanuriliurutikharnik, havaktakharnik upalungairutikharnik kiklivikharniklu auladjutikharnik nalaumadjudikharnik Pivalliajuliqijikkut Ingilrajuliqijiitkut (EDT) Nunalingni Kavamatkunillu Pivikhaqautikkut (CGS) (2022-23);
- Ilaujut talvani nuutaanguqtihimajunik nunarjuarmi Kanatami Niqinik Nauhimaliqijunik Havaqatigiirnikkut angirutikharnik talvuuna 2023-2028mi ugautiuhmaarlutiklu pigiaqaqtunik pinahuarutingnik ilaulugit Nunaqaqqaqhimajunun niqikhaliurnikkut hanaqidjutikhatingnik (2022-23);
- Amigaijuumiqtirlugin ajuirharniit havaakhanun havagvingni imaatum ujaraghiuvingsni, hanaujani mirhanullu, aquinikkut, mikijunilu nanminirijaujun havakviinni aturlutik havagiingit pinahuarutingnik paannariluginlu Inuit timiqutait ukuallu nanminiqaqtun havagviit (aulahimaatqutuq); unalu
- Aulahimaarlutik havaqatigilugit nunalaangit pivalliajaangat aulatitijaangatlu nunalaani maniliurnikkut upalungairutikharnik (aulahimaatqutuq).

Ikajugianganik malikhautikharnik hivunikharnik hanaqidjutingnik kavamaptingni, angirutiqagiikhimaliqtutin imailiugiangat:

- Iniqtiqlugu Ujaraqhiunikkut Ajuiqhautikharnik Hanaqidjutikhangit (2022-23);
- Ihuarjumirlugu hanaqidjutikhangit upalungairutikharnik atuqtauhmaaqtaukharnik piangajarnikkut pivalliurlurnirnik angikliharnirniklu tamainni havagviinni, ilaulugit Iqaluliqinikkut Nattiliqinikkullu Hanaqidjutikhqaq (2022-23), Parnautit (2022-2024), Hunaliuqtunik Pitquhiliqinikkut Havagvikjuangit Hanaqidjutikhqaq (2022-2025), unalu Aquijunun Hanaqidjutikhqaq (2022-2025); unalu
- Aulatitilugit pihimattiarlugitlu aulahimajut havaqatigiktun talvani Nunavut tigumidjutiqaqtunun ilaujukharniklu havagiaqaqtun hivunikharnik Nunavutim pigiaqaqtainik ihuaqtumik iliqtigiiikharnik aulahimajut imarmi najugaini (2022-2026).

ILAUJUT KIURUTIKHANGIT

Ilaujukharnik talvani atuqtakharnik piumaluuaqtainik titiraqhimajut qaangani, kiugiaqaqtutinlu taimaitkuvin:

- Minista munariyaqaqtuq Uyaraqhiuqtunut
- Minista munariyaqaqtuq Niuvvaanikkut
- Minista munariyaqaqtuq Nunavut Naminilingnut Ikayuqtinnt Kuapuaraisinga
- Minista munariyaqaqtuq Nunavut Pivallianirmun Kuapuaraisinga
- Ikhivautaq Ministait Katimajiini Amigairjuminikkut Aalatqiinik Maniliurutikharnik
- Katimajiuut Ministangit Katimajiiit talvuuna Amigairjumirnikkut Iglukhangit Igluqpangitlu

Taima Ikhivautaq Ministait Katimajiini Amigairjuminikkut Aalatqiinik Maniliurutikharnik, havaktakhagijatin aulatitinikkut naunajainikkutlu havaqatigiirnikkut tapkuninga Ministangit havagviitlu atuqtakharnik piumaluuaqtunik aulahimajut amigairjuminikkut aalatqiinik nunalaaptingni maniliurutikharnik. Tunihiniaqtutinlu atuqtakharnik tutqikhaidjutikharnik pivalliadjutingnik kavamangit havaaqhangit ihumaliurutikharnik nunaniitunik hanaqidjutikhangit munagidjutikharnik havagvikjuangit havagiikhimaliqtun uvani Nunavunmi Nunataarutaanut Angirutaani.

HAVAQATIGIIRNIKKUT

Katujjiluta atiinaungituq uvani atuqtakhaptingniitug. Malikhautikhqaq hivunikhaliurutiqaqhimajuq naunairutiqaqtuq atuguminaqtumik auladjutikharnik qanuq havaqatigiirniaqtugut atautimiitluta iniqtingijaangat uqagiikhimajaptingnun Nunavunmun. Ilitugipkaktilutin piumaluuaqtangnik, ajungnairutiqaqhimajunga taimailiurniaqtugut:

- **Havangniaqtavut Ministangit Katimajijiujutlu aulatitjaangat iliqatigiiktakharnik aturniaqtaptingni;**
- **Hviutunirmun akhuqicaidjutikharnik havaqatigiiktukharnik Nunavut Tunngavikkut Timinga Avikturnirmiitun Inuit Katimajiingit nalautitjaangat hanaqidjutikhaptungnik hivunirmun naunaitumun auladjutikharnun;**
- **Napaqtigijaangat katiqhimanikkut ikajuutikharnik amigairjumiqhimagut ihuarutikharnik Inuit havaktikharnik talvani kavamanmi havakhimaqtunik ikajuktunun; unalu**
- **Tautuktihimaarlutiklu Inuit inuuqatigiinggaakkut akhurutigijangit unalu Inuit Qaujimajatuqangit hanaqidjutikharnik iniqtigijaangat naunaituq hivutunikharnik allanguqtirutikharnik.**

Tuglia Atangujatigun kiudjutiqaqhimajurlu ikajukhimaarnikkut ilingnun tikiutijaangat havaktakharnik iniqtitijaangatlu munagidjutikharnik talvani itunik havaktamingnik naunaitkutingni. Munagidjutiqaqhtutin tunijaangat naunaitunik havaktauhimajukharnik talvunga Tuglia Atangjarnun, ilaujutlu atuqtakharnik havaqatigiirnikkut iliqatigiirnikkutlu talvani hivutunirmilu Nunavut Kavamanmi.

Quviahuktunga niugiuktungalu havaqatigijaaffingni talvuuna pivalliadjutikharnik naunairutiqaqhimagut havaqatigiirnikkut havakhimaarnirlu tutqikhaidjutikharnik havaqatigiirnikkut hanaqidjutikharnik ihuarutiniaqtun ubluq tamaat inuuhirnun Nunavunmiunun tungavikharniklu ajungnairutikharnik hivunikhaptungnun.

Pittiarnikkut,

P.J. Akeeagok
Hivuliqt Nunavunmun

cc. Jimi Onalik, Tugliuyuq Ministamun Tikkuaqtauhimajununlu Katimajiit Titiraqt, Kavamaliqiiyitkunni